

沈乃文主編

明別集叢刊 第四輯

第二十三冊

黃山書社





国家出版基金项目
NATIONAL PUBLICATION FOUNDATION

「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第二十三冊

黃山書社



(明)梅鼎祚 著

鹿裘石室集六十五卷

明天啓三年玄白堂刻本

鹿裘石室集卷第二十

宣城梅鼎祚禹金著

文

行狀

廸功郎桐鄉承東潭高公行狀

蓋余邑有高桐鄉公桐鄉公其先隱于耕公少而入郡與諸賢豪長者遊心竊慕也攻儒術不售以文無害補郡功曹郡太守與功曹從事事常辨及眡獄桎梏銀鐺血肉塗地功曹輒能左

鹿裘石室集卷第二十

一

右之廸進給南金吾史金吾卒數萬人盡屬史受饗饌鈞有質成史輒爲平卒以此益附史久之除饒樂平簿邑俗剽疾輕扞于有司簿日訊十餘牘率孳孳務民和不欲深抵簿主治賦往多里魁代攝之橐舉而銖累初私內舍人金嘗簿簿微知召舍人扶庭下按其臬嘗者遂咋舌去而賦竟集河南濟庾廕比夷于壤粟易陳簿惟之曰吾任其廉孰任其名汙者爲其遽廬而孰爲其主舍者廸斥奉鳩其役卽繕城諸役簿

爲埴矣越嘉靖丙寅而遷桐鄉承桐鄉故兩丞一治賦中丞臺疏裁桐鄉丞則公當裁中而會治賦者歿民請得屬公不報報許徙他邑而公遂自免歸凡簿及丞五載部使者勞檄以二十數摺紳士歌術其事者以百數大都謂公介覆具材諳云公魁梧美髯固功曹造次被服必于儒者余聞公舍中人公父處士公嚴諸子公獨用介子得處士驩念母孺人春秋高當需次天官久不往季弟天撫季弟子棟如其子而方公

鹿裘石室集卷第二十

二

子維岳舉于鄉也岳乎吾語汝吾鄉爲功曹時嘗遭遺金于道而舉以畀亡者簿治賦羨金于橐而舉以畀賦者且緩急人所有吾不能以無爲解而頗起困者家潭上而因爲舟干涉者有雙鯉入于舟而岳以至于斯也敢所稱修而息之乎而庶幾異日毋傷而翁志其事詳岳所自具中而公捐館之明年維岳涕下就不佞曰先廸功業已卽幽將圖所以不朽于史氏而論始于子不佞唯唯旣覈其事鉅者而世系如左公

諱宗漢字汝相世爲宣城後潭人繇郡功曹歷仕廸功郎並前具曾王父瑄王父玉鑑考文富並以高年爵一級文富內吳孺人舉四男子公仲子以正德壬申十一月十八日生萬曆戊寅七月十日卒年六十有七葬邑東新霽山配吳氏子一維岳領癸酉應天鄉薦娶羅氏出邑諸生衣錦女二長歸梅處士時昌子太學生繼唐次歸屠太常義英子寧國邑諸生玄圭孫一美孫女三長聘徐太學篤慶子日隆爲浙憲使元鹿裘石室集卷二十

三

氣孫次聘孫太學惟訓子某是爲平陽守濬孫次未聘

劉母杭孺人行狀

杭孺人者三河簿杭公璋女而歸劉公子太學生伯興劉公起家令漳平稱漳平云嘉靖中三河家故千戶侯當嗣棄去爲博士弟子儻負氣不下人先是漳平爲博士弟子業有聲三河迺獨下漳平時人爲之語曰士相頡頏劉與杭此兩人者驪甚也屬永嘉當國以郡邑歲貢士

猥不稱任使議如里選行則兩公次第在選中已入太學爲同舍生同舍生並有子從於游三河固已目屬劉氏子矣是時孺人生十年長太學以倍也客有居其間約爲昏姻不果及還里而三河卒以孺人歸太學重心許也歸亡何舅漳平方宦學什九在外太學處守孺人以冢婦當戶姑後孺人性敏給孺人婉婉奉姑驪退而操作攻苦棚以內一切倚辦孺人漳平數奇累不第授桐廬丞孺人行與太學俱承三年遷漳平令漳平有家丈人在留孺人事家丈人里中而以太學行孺人婉婉奉家丈人驪退而操作攻苦又無不如事漳平後孺人者以故漳平得無遠親憂而太學得無內顧一意侍漳平邸中漳平爲良吏最著而會所生母孫孺人訃聞格子制遂投効歸孺人聞之曰惜也令伯誦孝無窮矣而于臣道不終吾舅其舉全者邪孺人父三河厭爲簿先漳平自免去孺人喜相勞曰大人故彊項奈何折腰以升斗哉孺人往往以孝

鹿裘石室集卷二十

四

謹名至其達節履如此孺人嘗病胃輒舉輒已越歲已已再舉迺不起實冬十一月十六日也初孺人生子文顯顯穉弱孺人時時以廣勝請而太學不許孺人又先後舉三子太學仲弟子與其叔子同月舉而仲弟子疹不吉太學穆卜願以已一子代孺人則左右力贊之卜不應孺人時時趨仲婦以廣勝請而仲遊太學勝一姬踰十年而仲再勝一姬姬有子仲語余伯起舉桐廬時適嫂氏舉一女家孺人不良乳嫂氏兼

鹿裘石室集六卷二十

五

伯起乳之眎伯起如其女禮言嫂亦可謂之母乎伯起則然蓋孺人卒之十三年而子文顯次其事以二仲來稽顙泣謁余小子爲之狀余先太中及家恭人並劉氏甥而漳平公仲女余丘嫂余丘嫂言孺人在壺中食不貳膳然于腰膺蒞醢之具必時衣不帛然于絲繭織紵組紃必工言笑不苟然于妯娌臧獲常雍雍安之性纖儉不妄費然于門內之親多所段貸不問償嗟嗟婦順備矣文顯好古能文章而有質行二仲

翩翩有父風余聞孺人永訣以繕性戒文顯其內教可知也謹擬其大都且爲狀以論始于二三君子孺人生嘉靖甲申六月二十九日春秋四十有六生子四文顯邑學生娶余甥麻氏爲鴻臚涵女文達娶張氏爲太學生喬然女文榮娶梅氏爲醫學一相女文華後孺人五年妖女一適徐中允孫男一未名孫女二長文顯出聘諸生吳伯敬子爲汝州守孫一文達出未聘

亞中大夫浙江布政使司右叅政玄峰葉

鹿裘石室集六卷二十一

六

公行狀

萬曆丁未春二月戊午少方伯玄峰葉公終于家蓋春秋七十云當嘉靖季年盱江羅先生守宛陵耿恭簡先生爲督學使者倡明正學羣多士于書院先大夫實主教事嘗言公于二先生曰葉生載道之器也二先生領之其年試高等受廩凡十三年丙子舉于鄉又十年丙戌舉進士初除上高令江右上高號難理而最難在逋稅善抵冒公爲鉤校其主名時與裁濶陘宿逋

一清而法大猾之蠶食邑帑者數人以才優治劇徙餘姚姚故眎上高劇矣甫至夏旱雩而雨蓋徒步且拜赫日中者閱月也以歲婁儉謝謁飲減經費以餒金易穀躬歷鄉都饑者口賦之汝沈牟山諸湖田及海墾地爲豪所侵者悉假資并貧民而下石以捷湖口堰廟山爲永利載翁尚書孫大司馬碑記中而饑後賦所爲不及蠲者亦以集盜賊衰止則司馬猶稱其難焉所識士若戴君魯君咸取高第前以上高分校庚

鹿裘石室集卷二十

七

子試得士爲盛則已誦公能知人矣令先後七年遷戶部主事是時孫公爲御史大夫謂姚令當有異宜改銓曹議中格公意泊如也監吳允疏請寬租吳民賴之已督儲南徐出內期會並有經式絜爲令至今遵行之稍敘遷郎中出爲河間守比方有東旅之興貴璫以權使臨者相望於道瀛卽連十數城以爲郡固雕敝內迫橫歛外困徵發公調酌多方機宜悉當乙未間蝗且疫斥奉勸輸所存活萬計旁大郡流人來占

籍亦千計任且有殺人而其叔中常侍爲芘得緩死公竟置諸辟入覲舉三輔治行第一遷浙江按察副使備兵寧紹職雄地大爲政頗嚴山陰巨姓馮執力而賤市族故中丞之居公追如其直禁緇黃逐巫覡以砭越之機月旦帥其屬衍文成良知之教士烝烝鄉學三郡亦漸修禮讓訟希簡甲辰秋以入賀過里門雅倦游矣遂上疏請致事不報久之有蜀藩之遷尋復用右叅政分守杭嚴兼攝諸道公應之暇豫也爲

鹿裘石室集卷二十

八

兩臺所依重未幾復請歸當路力挽之不待報而行實丙午之臘月也明年春當大計人言及之而公爲吏廉所職多錢穀無所入其羨卽南牀壁謫公老耳而亦稱有守公聞之輟然曰吾誠老則吾已懸車吾誠有守則吾果垂橐知言哉再閱月而遽終終之日日禺中方謁客下春沐與室監中覺咯咯有聲瞑矣公寬然長者和煦易親至蒞事操論挺然不隨樸素自將使後世師吾儉然不至矯而偪下官藩大夫而產不

逾中人年七袞而居鄉未嘗失色室絕姬媵門罕雜賓其自勗之言曰天下惟道德爲不毀獨真實能長存則於學抑庶幾闢其大矣所著有閒中漫稿還古約陰騭抄薛王要語歸田警巧拙苦樂二箴忠孝窮達諸說皆足維世教公之子士弘等翩翩有父風述次公質行纒纒數千言詣鼎祚泣拜曰先子嘗游於子先子又友子子其爲狀以介于名世之立言君子志諸幽而表之傳之鼎祚敬諾掇其鉅者什三而系之狀

鹿裘石室集卷二十

九

狀曰葉公名燁字文光宣城西里人其先國初有過時者以從征功授明威將軍生子貴凡四傳爲公之高祖椿曾祖寬寬長子鵬爲公祖鵬子芬則公父贈公也以公貴凡三命至中憲大夫按察副使母蔡氏累贈太恭人以嘉靖戊戌十月十四日生公配王氏郡學生王君份女累封恭人先公七年歿在守瀛之四年懿行別載生丈夫子三士弘貢生娶于王嗣美太學生娶于劉嗣英太學生先公卒娶于張繼郭女二

長適諸生裘應期次適戚親臣男孫十一人瑞徵吉徵淑徵爲士弘出奇徵嘉徵譽徵慶徵壽徵福徵爲嗣美出久徵彥徵爲嗣英出瑞吉邑學生女孫出土弘四人嗣美一人曾孫男一人雲初曾孫女一人並出瑞徵婚字皆右族謹狀

揚州府儒學教授前承事郎廣州府番禺縣知縣實齋徐公行狀

徐公諱大望字德甫宣城人按譜其先出徐偃王在宣城者則宋政和中駕部公處仁隱歛之

鹿裘石室集卷二十

十

沙谿子知柔自歛徙稱大徐村知柔子光遠孫夢雲並舉進士入明有景者永樂癸未舉于鄉仕噉令見郡志累傳爲宗政公宗政子廷雄長生贈南京工部侍郎紹貞公爲公祖贈南京工部侍郎雙泉公沛實紹貞公子而公之父也母贈太淑人王氏四乳而生公仲兄爲今少司空覺齋公大任祖父贈以公徐氏世業詩兄弟間攷質論難相師友公猶刻厲沈深于經術著嘉靖辛酉籍郡學歷萬曆戊戌舉進士凡三十

八年制文之繁簡異體奇正異尚謫宕僻險其變不勝窮公獨于文典而裁清醇密緻守故常然卒取高第朱太史國禎首舉之是時年餘五十矣初授廣之番禺令越三月持贈公喪歸里公除以疾請徙郡博士授揚州無何疾劇竟不起先是戊子秋公既見錄復誤落事聞以久受廩廩與貢而歲薦當貢君克承公固讓得特薦甲午始與湯司成偕上廣故饒宦者每指橐而鹽之利公矢志廉白又善晰民情當路者灑

鹿表石室集卷二十

十一

然異之惜其去蓋公壯時謂治生可以成學卽仕可以養廉因以其暇相原隰權奇羸用纖儉佐之而家致饒若爲埴里之簞翁壩歲饑而平糴多假貲貧民有鬻其子者爲折券要非直自封而已及公第仲公先且位列卿一時鼎貴迺其車徒簡約門庭晏如也而一無所勤有司當世士居貧類不事力作俛而造請以爲利侈費之以爲豪一通籍間席世資高措遠引肅客不下堂擇便益田宅折闕而市之蒼頭廬兒漿酒

藿肉揄袂跼蹐以叢僭其身而府怨其主以眎公仲季何如哉故公歿而閭巷良有遺思焉公歿之三年公子汝觀汝驛述次其行履以語余公之內行甚修也性孝友贈公有七子公撫事咸得其驩族子從翼孩而孤鞠之俾有立方持贈公之喪也處苦由不內湮中脾以疾而公生平造次被服必於禮子弟或小失尺寸必面譙不少寘余徵之其鄉人信無溢辭已而二子奉司空公命將圖爲公不朽者于文命鼎祚草公

鹿表石室集卷二十

十二

狀以爲質選歲辛卯鼎祚嘗從公于北廡留輦下旁睹時事有所不可輒相與扼腕慨悵幾異日一有所得當公督以和令謙脊名余與公晚合而後知公之厚重不泄庶可寄大事者也年與位皆不副其志度悲夫遂略銓二子所述次具如右公以嘉靖甲辰五月二十六日生萬曆壬寅八月十一日卒廣陵官舍春秋五十有九娶蔣氏蔣翁某女故諸生二子卽汝觀汝驛以文學競爽世其家汝觀太學生娶梅氏余從兄

按察照磨隆祚女汝驊邑學生娶表氏郡學生
表君應瑞女女二適楊平度君德望子太學生
士彥湯興國君以栢子郡學生必選男孫五鼎
時娶邑學生湯君廷對女明時聘行人沈君有
則女顯時聘戶部主事張君守道女昇時並覲
出襄時驪出尚幼女孫二覲出者適光祿監事
葉君士弘子太學生吉徵爲葉大叅公煒孫驊
出未聘

累封宜人韓母陳氏行狀

鹿裘石室集卷二十

十三

陳宜人者衢州府知府高淳湖南韓公諱邦憲
之妃也衢州父爲湖廣憲副鳳橋公叔陽母爲
黃恭人宜人以萬曆歲甲寅六月十八日卒于
寢厥子文學仲孝以其冬十月某日葬宜人邑
石臼社之陳武村先是衢州公葬邑松園村有
楊孺人者從已徙葬衢州于漂水羅山而楊留
松園如故與今陳宜人竝不附衢州當衢州年
十七受室于同里之楊是所爲楊孺人者也禮
有之子甚宜其妻父母不悅則出之孺人不幸

而罹是然敬待命于楊者九年所爲嘉靖乙丑
憲副公歿孺人私持婦服哭盡哀黃恭人聞其
意爲釋憾復之館于外是時衢州前用署虞衡
員外郎主事考封宜人爲安人又九年壬申
用衢州刑部浙江司郎中覃恩進宜人矣禮
不貳嫡而封者以君復者以親從上制也禮
不喪出母楊出而復學使者命文學喪如嫡夫
爲伋也妻者則爲白也母不得謂亾于禮也合
葬非古也韓氏之阡有所以從其尊亦猶行古

鹿裘石室集卷二十

十四

之道與斯爲酌情禮之衷焉初宜人與衢州年
相若衢州舉己未進士自金陵來歸侍于燕頃
卽以憲副公之命廣置副則首進狄孺人憲副
公歿之歲文學君生而宜人有首子且連舉皆
男文學狄出爲介子宜人翕然鈞視也公壯而
免憲副公喪繇刑曹出守衢州以卽世宜人所
舉三子殤文學年始在外傳楊孺人自外館入
耦俱多猜有以將不利孺子間于狄孺人者孺
人良信宜人之無它宜人處之晏如也屬文學

于仲父贈承德公撫而教之以是文學君長且不知已所出母宜人而已文學籍博士高等厚于公子冠而工藝業寢以顯以昌胙于衢州公者悉宜人以也文學事宜人孝病耳痺聞有僧善禁方長跽以請而宜人尋有末疾者十餘年狄孺人歲時尸糞躬扶掖若事姑也者終宜人之身韓氏之孝睦籍籍里閭矣實自陳宜人詒之衢州方郎工曹也 三殿成會治

永陵增重城爲埴有勞動預 宴錫鎡爵一級

鹿裘石室集卷二十

十五

爲衢州以廉著衢人士範金像祀公至今曠潦驅禳走祠下神明之公夙嗜古習 國家典故若所撰公卿年表惜未就咸以宜人勤恁簡素庀壺務故衢州得壹意奉職官下以其餘力事傳通而修舉鄉社之政爲德于其邑方楊孺人之復及文學之爲喪也宜人念不無少拂而衢之任楊孺人與偕時時趣衢州以終惠于楊則猶寬身爲怨矣居常遇宗戚恩禮有加而御下莊以栗然不苛督也性修整嘗笑必脊食息作

止皆可爲內則而要以輯錄中外善處嫡庶母子間功韓氏甚鉅按文學君行述宜人爲上元人衛經歷陳公潛女母顧氏竝甲族以年十九歸衢州者十有七年稱未亾人者三十有九年距生嘉靖辛丑七月二十三日年七十四卒之午甫畢膳命卽徹曰吾行矣宜人嘗授明威錄好施予爲塗梁便利事衆蓋以考終爲福報云子一卽仲孝邑學生娶唐氏余外舅廣西按察使唐公汝迪第三女宜人所生子殤者仲虞仲

鹿裘石室集卷二十

十六

亮仲嗣孫二无疾邑庠生娶邑學生邢君繼鯤女无亢先宜人四月殤孫女三長適余次子爲兄後者士好宣城邑庠生次許漂水行人司正楊君公翰子寧舍次許大理通判孫君自強孫彭年鼎祚先大參與憲副公同鄉舉文學君余忝姻婭稔韓氏事者宜鼎祚俾爲狀以藉手當代名碩之采擇而貴諸幽爲韓氏紹明世也進階太中大夫雲南布政使司左叅政先府君宛溪先生行狀

萬曆丁丑仲冬先府君宛溪先生終于城第不肖鼎躋踊崩隕臨死者數矣堇勉力而始克襄事明年圖敘次府君之宦績鄉行以爲狀廼府君家居自不言官中事鼎祚長而與燕趙齊魯東西浙之士游則多有言府君官中事者山東紹興各崇祀名宦移文來郡始得覈其實不誣敢綴其鉅者如左以備立言者之采擇府君諱守德字純甫寧國之宣城人梅氏惟宣城繁而皆非一族唐末有倫叙公授新安郡學敎生之

鹿裘石室集卷二十

十七

慨之慨生遠五代時爲宣城掾家焉世居郡城州學之西自之慨公傳四世爲誠公尚書公詢從弟也家世鼎盛公獨不仕遊柏枧樂其山水因賦柏枧以見志淳熙間文明公始遷居柏枧南莊文明公之子太七公嘉泰間始有墓在柏枧又七傳爲榮宗則府君之高祖云榮宗公生五子而長爲府君之曾祖珍珍生六子第三子友竹公楷爲府君大父友竹公四子而府君先考爲仲子贈中憲大夫古菴公繼先有四子府

君居長府君生十一歲郡太守胡公東臯聞以神童名召至郡面試二文立就且善也挾入衙見其夫人諸子而親陪飯焉且諭古菴公以積陰騭培福源之說逾年而古菴公見背母劉太恭人年三十一諸孤幼者尚呱呱唬也有家難友竹公及繼胡孺人猶在堂太恭人以子身上而奉親下而撫孤內而理家外而禦侮拮据萬狀矣府君年十八補邑庠生母恭人郭氏來歸嘉靖甲午丁酉並試首邑庠生督學使姚江聞

鹿裘石室集卷二十

十八

人公詮蘄陽馮公天馭所特賞是時甌寧李太守公默由驗封郎謫倅宣合試六邑士獨拔府君及太平太常卿周公怡曰此兩人國器也令交拜郡庭而李公泣盟焉因供之庾舍中朝課夕誦李公傳古明當世之故自博士家外靡所不譚以庶幾異日備實用周公卽以甲午舉丁酉府君相繼領應天鄉薦會

肅皇帝方銳意征安南下禮官議郊社分合之典主司策士有國之大事在祀與戎以微諷

上震怒遣緹騎逮至京下于理所舉士百三十
五人者不許應制南少司寇吳公悌時爲御史
疏掾之 賜杖坐遣戍越三年歲辛丑 上以
宗伯諸大臣言許復試南官府君登嘉靖辛丑
進士壬寅授台州府推官府君材敏練事至立
剖朝發夕報旁大府來聽質者或不下數十人
不待再食歸於是有益米梅之謠郡政或溷也
又有清香唯有一枝梅之謠台及寧紹並臨海
疆族奴客闌出中國貨海外互市易乘汎揚颿
鹿裘石室集卷二十

十九

官不可誰何而三郡姦徒先有投諸島爲之主
與者利且不貲倭豐萌矣越東士大夫多兼併
小民雖中戶無所容閩人舒公汀嚴峻人也來
爲巡按御史中憤之因極力裁抑豪貴以申閭
閻條明海禁干振甚密而于諸司理中獨倚信
府君事下府君輒以意寬簡行之多所縱舍久
之舒公以府君非獨材且仁心爲質焉而公之
威稜亦漸以平部使者先後薦府君于 朝擢
戶部四川清吏司主事然未滿考也北而奉太

恭人養官邸則太平周公怡以吏科給事中疏
論相嵩下錦衣獄三年矣時陸炳掌金吾嚴之
戚也獄甚祕府君時時爲之具橐饘嘗和周公
和蘇子瞻寄子由二首寄其弟有之又私爲三
君詠三君者富平楊御史爵豫章劉員外魁與
周公同在繫者也未幾府君出司徐州倉特循
永樂之故事而修之務與時宜爲軍民便構駐
笏亭于署後引水疊石賦詩自適也蓋府君爲
理時守通州陳公堯名作者從之問詩陳公以
鹿裘石室集卷二十

二十

府君秀發盡授之而徐州兵使王公挺鄆之聞
人與府君倡和益相得請府君修徐州志旣成
歎曰典而則約而瞻真良史才也至今七十年
猶行之乙巳覃

九廟恩贈父繼先爲戶部四川清吏司主事階
承德郎封母劉太安人封吾母郭氏安人又三
年戊申改吏科給事中府君初不自意也分宜
秉政久子世蕃擅其權世蕃狡而善牢籠臺省
諸人好以酒戲虐人以爲親昵府君故不飲酒

至直視覆杯謝亦不之忤也其私人荐位京兆尹胡奎者謀貳冬卿府君有釐弊政黜庸汚以安遠邇之疏臚列其貪鄙狀顯斥之銓部初欲通選法選人偶不樂遠方故設願告遠方以爲權宜告者每選數百人有援例不數年至州守郡倅者選法愈壞而官常以隙疏報遠方例永停止著爲令載吏部職掌中京兆亦慙沮自引去嚴氏每懸美缺以待賄賄有等府君有卿貳缺員乞錄佚才以克任使之疏 上玄修勤黷

鹿裘石室集卷二十

三

祝太常官皆道士世蕃父子相與爲朋比卿徐可成者前得蔭復求改官府君抄出駁不行世蕃先積不平于府君又見建白漸廣圖欲出之者亟矣已酉進戶科右給事中奉 命副安遠侯柳公冊封 遼府光宅王遼王亦狡而尚道自號清微真人以媚 上者也府君與安遠唯正色端詞以對科長東平劉者以府君參駁事有嫌刺刺語世蕃若草一疏再入國門卽上矣世蕃重益疑會紹興缺守世蕃宣言于衆曰兩

浙之倭勢熾矣惟紹興尚完今須得幹濟彊毅之守吾觀未有踰梅掌科者也今在使願且爲朝廷借之衆唯唯翌日吏部推上矣府君封還道聞行還里卽身馳渡錢塘而赴之府君至首講備倭之策郡兵頓無所用客兵驕烏合未練於是蒐軍實葺征饟頓者汰而存之驕者厚其月糧而嚴其法比以至繕城垣飭舟楫煥然一新而海上諸要害處猶宿重兵焉頃之倭稍緩府君廼召父老而問疾苦以苦莫大于湖稅召

鹿裘石室集卷二十

三

諸生而問風俗以季末之奢靡而違禮傷教也先是越民業歸富籍而稅懸貧戶逃亡積額官必取盈有司創議均賦漸滌弊源窮年靡定府君晉多士曰茲非治事科耶廼分遣經野出乾沒者若干畝事獲就緒王文成以道鳴東南府君嘗從王龍溪先生畿講學金陵者有年府君于是議文成之祀敦請龍溪先生子文成講堂以多方訓士士率風動而文成之學復以闡明燕饗有禁游觀有禁頒刻三禮圖註于士民俾

士先習相見禮鄉射投壺一一舉行之而尊高
年禮隱逸有秘圖山人楊珂者府君三造其廬
不見也碑高士里于其居蓋府君以學爲政以
教爲治非矻矻簿書期會間而已衆每稱府君
穎識通達當機應衡爲不世之材始猶觀其表
而減湖田之稅今家戶能誦述之則以民饗其
利爾壬子分校浙闈得諸公大主馮方伯叔吉
嚴太常用和數人皆致顯名諸公者督學方山
薛公許以爲必解首然實分校者失之先府君
鹿裘石室集卷二十 二十三

一年之內漸以衰止越乙卯改本省督學副使
府君教士以身疏條濶目評騭試義錙銖不爽
一見而可決其平生乙卯得人東省稱盛萬曆
甲辰間甥麻一鳳友吳伯敬會試同寓有登萊
人宋知州者攜其子來詢及府君曰此神人也
後胡可復見耶而府君持法嚴絕無所殉御史
新城耿公鳴世來南巡弔府君子家語鼎祚新
城有陳生者富而父兄橫陶真人爲 上新年
泰山也託賂焉真人以檄送陳生于學府君褫
鹿裘石室集卷二十 二十四

搜得之者也薛公詣府君謝明年癸丑春倭有
利謝氏也以一旅掠餘姚臨山泗門受其禍賴
府君所宿兵摧破之時府君方 覲留京也甲
寅春滿考承德公贈中憲大夫紹興府知府母
太安人進封太恭人吾母郭安人進封恭人是
年陞山東曹濮道兵備副使東省唯究西最患
盜盜各有大猾爲之保任流徙無常莫之究詰
府君爲之鉤校其主名而求大猾之尤者立撲
殺之盜無所附麗而縣重購賊曹掾史多所獲

責之禁錮終其身與真人申明執掌真人而無
以應也海內稱數良督學必爲府君屈一指逾
年陞雲南分守左叅政而府君倦宦久且念母
恭人春秋高也任四月以捧 賀行事畢遂上
疏乞休次于真州必得請而後渡楊子部覆爲
照本官夙負才名久歷中外今告休致必其自
計已審相應俯從但才足有爲終棄可惜合無
准令就彼回籍致仕待後病痊之日聽有司具
奏起用外官無起用例蓋異數也府君之得請